



ԵՐԵՎԱՆԻ ՔԱՂԱՔԱՊԵՏԱՐԱՆ

ՈՐՈՇՈՒՄ N° Կ-38/42

«ՎԱՐՉԱԿԱՆ ՏՈՒՅԺ ՆՇԱՆԱԿԵԼՈՒ ՄԱՍԻՆ»

ք. Երևան

«19» սեպտեմբեր 2022թ.

1. Վարչական իրավախախտման վերաբերյալ գործի նկարագրությունը.

Երևան քաղաքի Շենգավիթ վարչական շրջանի ղեկավարի աշխատակազմի աշխատակից Ա. Մարտիրոսյանի կողմից 17.08.2022 թվականին հայտնաբերվել է Վարչական իրավախախտումների վերաբերյալ օրենսգրքի (հետայսու՝ Օրենսգրք) 169.16-րդ հոդվածի 3-րդ մասով նախատեսված վարչական իրավախախտում, մասնավորապես՝ անհատ ձեռնարկատեր Կարինե Լյունիկի Ջուլիալյանի կողմից Երևան քաղաքի Վ. Շենգավիթի 2-րդ փողոցի հ. 1 շենքի հարող տարածք հասցեում, առանց համապատասխան թույլտվության, իրականացվել է բացօթյա առևտուր, որի վերաբերյալ 17.08.2022 թվականին կազմվել է թիվ 042638 վարչական իրավախախտման վերաբերյալ արձանագրությունը (հետայսու՝ արձանագրություն):

Որպես իրավախախտման փաստը հաստատող ապացույց, իրավախախտման հայտնաբերման պահին էլուսանկարվել է իրավախախտման վայրը:

Հայտնաբերված իրավախախտման փաստով Երևանի քաղաքապետարանի նախաձեռնությամբ հարուցվել է վարչական վարույթ:

Հարուցված վարչական վարույթի շրջանակներում 19.09.2022 թվականին կայացած գործի քննությանը ներկայացավ անհատ ձեռնարկատեր Կարինե Լյունիկի Ջուլիալյանի ներկայացուցիչ Դավիթ Բադալյանը (անձնագիր՝ AV 0406167, տրված 01.09.2022 թվականին 003-ի կողմից): Վերջինս վարչական մարմնին բացատրություն տվեց այն մասին, որ արձանագրությունը կազմվել է իր փստաձողի ներկայությամբ և ստորագրվել նրա կողմից: Արձանագրությանը կից լուսանկարը վերաբերելի է գործին: Չի ընդունում իրավախախտումը, քանի որ խանութը կենտրոնական փողոցում չի գտնվում, իսկ Կարինե Լյունիկի Ջուլիալյանին ասել են, որ պետք է վճարի նույն չափ, որքան կենտրոնական փողոցներում գտնվող խանութները:

2. Գործի լուծման համար էական նշանակություն ունեցող ապացույցները.

Գործի քննության ընթացքում՝ որպես մեկ համակցություն, հետազոտվեցին արձանագրությունը, ՀԴՄ կտրոնը, անհատ ձեռնարկատիրոջ պետական գրանցման վերաբերյալ քաղվածքը և իրավախախտման հայտնաբերման պահին կատարված լուսանկարը:

3. Գործի քննությունն իրականացնող իրավասու պաշտոնատար անձի ներքին համոզմունքներով ձևավորված պատճառաբանությունները և եզրահանգումը.

Գործի փաստական հանգամանքների և դրանում առկա բոլոր ապացույցների բազմակողմանի, լրիվ և օբյեկտիվ հետազոտման արդյունքում պարզվեց և հիմնավորվեց, որ 17.08.2022 թվականին անհատ ձեռնարկատեր Կարինե Լյունիկի Ջուլիալյանի կողմից Վ. Շենգավիթի 2-րդ փողոցի հ. 1 շենքի հարող տարածք հասցեում, առանց համապատասխան թույլտվության, իրականացվել է զուլացուցիչ ըմպելիքների և պաղպաղակի բացօթյա առևտուր:

Անհատ ձեռնարկատեր Կարինե Լյունիկի Ջուլիալյանի կողմից թույլ է տրվել Օրենսգրքի 169.16-րդ հոդվածի 3-րդ մասով նախատեսված վարչական իրավախախտում:

Հաշվի առնելով անհատ ձեռնարկատեր Կարինե Լյունիկի Ջուլիալյանի ներկայացուցիչ Դավիթ Բադալյանի կողմից տրված բացատրությունը, և այն հանգամանքը, որ անհատ ձեռնարկատեր Կարինե Լյունիկի Ջուլիալյանի կողմից առաջին անգամ է թույլ տրվել 169.16-րդ հոդվածի 3-րդ մասով

նախատեսված իրավախախտում, ինչպես նաև նկատի ունենալով, որ թույլ տրված իրավախախտման արդյունքում էական հետևանքներ չեն առաջացել ու տուժողներ չկան, ուստի առկա չէ վարչական իրավախախտման համար պատասխանատվությունը մեղմացնող կամ ծանրացնող հանգամանք:

4. Վարչական ակտ ընդունելու իրավական հիմքերը.

Օրենսգրքի 9-րդ հոդվածի համաձայն՝ վարչական իրավախախտում (զանցանք) է համարվում պետական կամ հասարակական կարգի, սոցիալիստական սեփականության, քաղաքացիների իրավունքների և ազատությունների, կառավարման սահմանված կարգի դեմ ոտնձգվող հակաիրավական, մեղավոր (դիտավորյալ կամ անզգույշ) այնպիսի գործողությունը կամ անգործությունը, որի համար օրենսդրությամբ նախատեսված է վարչական պատասխանատվություն:

Սույն օրենսգրքով նախատեսված իրավախախտումների համար վարչական պատասխանատվություն առաջանում է, եթե այդ խախտումները իրենց բնույթով քրեական պատասխանատվություն չեն առաջացնում գործող օրենսդրությանը համապատասխան:

«Տեղական ինքնակառավարման մասին» օրենքի (հետայսու՝ Օրենք) 45-րդ հոդվածի 1-ին մասի 3-րդ կետի համաձայն՝ համայնքի ղեկավարն առևտրի և ծառայությունների բնագավառում իրականացնում է հետևյալ սեփական լիազորությունները.

Տալիս է համայնքի տարածքում բացօթյա վաճառք, տոնավաճառներ կազմակերպելու թույլտվություն:

«Առևտրի և ծառայությունների մասին» օրենքի (հետայսու՝ Օրենք) 51-րդ հոդվածի 1-ին մասի համաձայն՝ բացօթյա առևտուր կարող են իրականացնել միայն օրենսդրությանը համապատասխան տեղական ինքնակառավարման մարմինների կողմից թույլտվություն ստացած իրավաբանական անձինք և անհատ ձեռնարկատերերը:

Օրենսգրքի 169.16-րդ հոդվածի 3-րդ մասի համաձայն՝ առանց թույլտվության բացօթյա առևտուր իրականացնելը՝ առաջացնում է տուգանքի նշանակում՝ սահմանված նվազագույն աշխատավարձի հիսնապատիկից մինչև յոթանասունապատիկի չափով:

Սույն մասով նախատեսված խախտումը վարչական տույժի նշանակման օրվանից հետո՝ մեկ տարվա ընթացքում, կրկին կատարելը՝ առաջացնում է տուգանքի նշանակում՝ սահմանված նվազագույն աշխատավարձի իննսունապատիկից մինչև հարյուրսունապատիկի չափով:

Ելնելով վերոգրյալից և ղեկավարվելով Օրենսգրքի 23-րդ հոդվածի 1-ին մասի 2-րդ կետով, 33-րդ հոդվածով, 169.16-րդ հոդվածի 3-րդ մասով, 219.1-րդ, 252-րդ, 281-րդ և 282-րդ հոդվածներով, «Վարչարարության հիմունքների և վարչական վարույթի մասին» օրենքի 29.1-րդ հոդվածով, Օրենքի 45-րդ հոդվածի 1-ին մասի 3-րդ կետով, Օրենքի 51-րդ հոդվածի 1-ին մասով, Երևանի քաղաքապետի 30.05.2022 թվականի թիվ 1986-Ա որոշմամբ՝

ՈՐՈՇԵՑԻ

1. Կարինե Լյունիկի Ջուլիակյանին Օրենսգրքի 169.16-րդ հոդվածի 3-րդ մասով ենթարկել վարչական պատասխանատվության՝ նշանակելով վարչական տույժ 50.000 (հիսուն հազար) ՀՀ դրամ գումարի չափով:

2. Նախագգուշացնել Կարինե Լյունիկի Ջուլիակյանին, որ վարչական տույժ նշանակելու օրվանից հետո սույն արարքը կրկին կատարելու դեպքում այն կառաջացնի վարչական տուգանք՝ 90.000-110.000 ՀՀ դրամ գումարի չափով:

3. Օրենսգրքի 305-րդ հոդվածի համաձայն տուգանքը պետք է վճարվի սույն որոշումն իրավախախտում կատարած անձի կողմից ստանալուց ոչ ուշ, քան տասնհինգ օրվա ընթացքում՝ կենտրոնական գանձապետարանի N 900025100331 հաշվեհամարին:

4. Սույն որոշումը կարող է բողոքարկվել վարչական կարգով՝ որոշումն ուժի մեջ մտնելուց հետո երեսուն օրվա ընթացքում, իսկ դատական կարգով՝ երկամսյա ժամկետում:

